

074 P1.02-

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI



Služba za upravu poljoprivrede,  
vodoprivrede i komunalnih poslova  
Broj: 08-45-23/22-AP-206  
Datum:08.11.2022. godine

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
STRUČNA SLUŽBA GRADONAČELNIKA

Primljeno:	09-11-2022		
Org. jed.	Kl. ozna.	Red. broj	Br. priloga
02	19	2869	122

STRUČNA SLUŽBA GRADONAČELNIKA  
-OVDJE-

PREDMET:Odluka , dostavlja se

U prilogu ovog akta dostavljamo vam Prijedlog Odluke o izmjeni Odluke o zauzimanju javnih površina, na dalju proceduru.

Dostavljeno:

1. Naslovu,
2. A/A.

Obradila:Pašić Adisa  
*Adisa Pašić*



*[Signature]*  
POMOĆNIK GRADONAČELNIKA  
Bašić Izet dipl.ing.agr.



Broj:

Dana:

Na osnovu člana 6. Zakona o građevinskom zemljištu ("Službene novine FBiH" broj 25/03), i člana 10. Privremene statutarne Odluke Grada Zavidovići („Službeni glasnik Općine Zavidovići“ broj:4/22) Gradsko vijeće Zavidovići na \_\_\_\_\_sjednici, održanoj \_\_\_\_\_.2022. godine donijelo je

### O D L U K U

o izmjenama i dopunama Odluke o zauzimanju javnih površina

#### Član 1.

(Odobrenje za korištenje)

U članu 10. stav (2) koji glasi: "Ukupna naknada za korištenje javne površine se može uplatiti kvartalno, u četiri jednaka dijela, ali odobrenje za korištenje javne površine ne može se izdati prije nego što podnosilac zahtjeva predoči dokaz o izvršenoj uplati za 1. kvartal, a isto prestaje važiti ako ne predoči dokaz o izvršenoj uplati za svaki naredni kvartal unaprijed, u skladu sa ovom Odlukom.", briše se.

Dosadašnji stavovi (3) i (4) postaju stavovi (2) i (3).

#### Član 2.

(Zauzimanje javne površine ispred ugostiteljskih objekata)

U članu 20. stav (3) Odluke o zauzimanju javnih površina („Službeni glasnik općine Zavidovići“ broj:8/2017, 4/2018 i0, 6/19) koji glasi: „Za zauzimanje javne površine radi postavljanja stolova i stolica određuje se mjesečna naknada kako slijedi:

- |                               |                             |
|-------------------------------|-----------------------------|
| a) naknada za I zonu iznosi   | 6,00 KM po 1 m <sup>2</sup> |
| b) naknada za II zonu iznosi  | 5,50 KM po 1 m <sup>2</sup> |
| c) naknada za III zonu iznosi | 5,00 KM po 1 m <sup>2</sup> |
| d) naknada za IV zonu iznosi  | 4,50 KM po 1 m <sup>2</sup> |
| e) naknada za V zonu iznosi   | 4,00 KM po 1 m <sup>2</sup> |
| f) naknada za VI zonu iznosi  | 3,50 KM po 1 m <sup>2</sup> |

mijenja se i glasi: „Dozvoljava se zauzimanje javne gradske površine ispred ugostiteljskih objekata radi postavljanja stolova i stolica samo po odobrenju nadležnog organa Grada Zavidovići.“

U članu 20. stav (4) koji glasi: „Naknada iz predhodnog stava predstavlja početnu naknadu prilikom dodjele lokacije za postavljanje bašte iz člana 5. stav 1. tačka b). ove Odluke.“ mijenja se i glasi: „Odobrenje za zauzimanje javne gradske površine iz prethodnog stava izdavat će se bez naknade.“

U članu 20. stav (5) koji glasi: „Ugostiteljski objekti tipa: ćevabdžinice, buregdžinice, slastičarne i objekti brze hrane plaćaju 50% naknade iz predhodnog stava.“, briše se.

### Član 3.

(Zauzimanje javne površine ispred trgovačke radnje)

U členu 22. stav (1) koji glasi:“(1) Ispred trgovačkih radnji dozvoljava se zauzimanje javne gradske površine maksimalno do 10 m<sup>2</sup> u svrhu izlaganja voća, povrća, tekstilne robe, igračkaka, auto guma i srodnih proizvoda za specijalizirane prodavnice, samo po odobrenju nadležnog općinskog organa.“ mijenja se i glasi:

“Ispred trgovačkih radnji dozvoljava se zauzimanje javne gradske površine maksimalno do 10 m<sup>2</sup> u svrhu izlaganja voća, povrća, tekstilne robe, igračkaka, auto guma i srodnih proizvoda za specijalizirane prodavnice, samo po odobrenju nadležnog organa Grada Zavidovići.“

U členu 22. stav (2) koji glasi:“ Za zauzimanje javne površine u svrhu izlaganja navedenih proizvoda određuje se mjesečna naknada kako slijedi:

- a) naknada za I zonu iznosi 7.00 KM po 1 m<sup>2</sup>
- b) naknada za II zonu iznosi 6.00 KM po 1 m<sup>2</sup>
- c) naknada za III zonu iznosi 5.00 KM po 1 m<sup>2</sup>
- d) naknada za IV zonu iznosi 4,00 KM po 1 m<sup>2</sup>
- e) naknada za V zonu iznosi 3.00 KM po 1 m<sup>2</sup>
- f) naknada za VI zonu iznosi 2.00 KM po 1 m<sup>2</sup> .“ , mijenja se i glasi:  
„Odobrenje za zauzimanje javne gradske površine iz prethodnog stava izdat će se bez naknade.“

### Član 4.

(Zauzimanje javne površine ispred specijalizirane trgovačke radnje)

U členu 23. stav (1), koji glasi:“(1) Ispred trgovačkih radnji “Cvjećara” i “Poljoprivrednih apoteka” dozvoljava se izlaganje cvijeća i drugih srodnih proizvoda iz te djelatnosti (saksije, humus, biljni preparati, sadni materijal i dr.) uz mjesečnu naknadu kako slijedi:

- a) naknada za I zonu iznosi 5.00 KM po 1 m<sup>2</sup>
- b) naknada za II zonu iznosi 4,00 KM po 1 m<sup>2</sup>
- c) naknada za III zonu iznosi 3.00 KM po 1 m<sup>2</sup>
- d) naknada za IV zonu iznosi 2.50 KM po 1 m<sup>2</sup>
- e) naknada za V zonu iznosi 2.00 KM po 1 m<sup>2</sup>
- f) naknada za VI zonu iznosi 1.50 KM po 1 m<sup>2</sup> . mijenja se i glasi:

„Ispred trgovačkih radnji “Cvjećara” i “Poljoprivrednih apoteka” dozvoljava se izlaganje cvijeća i drugih srodnih proizvoda iz te djelatnosti (saksije, humus, biljni preparati, sadni materijal i dr.), samo uz odobrenje nadležnog organa Grada Zavidovići.“

U členu 23. iza stava (1) dodaje se stav (2) koji glasi:„Odobrenje za zauzimanje javne gradske površine iz prethodnog stava izdat će se bez naknade.“

### Član 5.

Ova Odluka stupa na snagu osam dana od dana objavljivanja u “Službenom glasniku Grada Zavidovići”, a primjenjivat će se od 01.01.2023. godine.

PREDSJEDAVAJUĆA  
GRADSKOG VIJEĆA  
mr.iur. Erna Merdić Smailhodžić

## O B R A Z L O Ž E N J E

### USTAVNOPRAVI I ZAKONSKI OSNOV ZA UVOĐENJE ODLUKE

U članu 6. Zakona o građevinskom zemljištu ("Službene novine FBiH broj 25/03) određeno je da: «Općina upravlja i raspolaže gradskim građevinskim zemljištem u državnoj svojini na način i pod uslovima predviđenim zakonom i propisima donesenim na osnovu zakona».

U članu 10. stav (1), tačka (29) Privremene statutarne Odluke Grada Zavidovići („Službeni glasnik Općine Zavidovići“, broj: 4/22) određeno je: „Gradsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Grada.“

### RAZLOZI DONOŠENJA ODLUKE

U cilju pružanja potpore ugostiteljima i trgovcima Grada Zavidovići radi lakšeg prevazilaženja teškoća u poslovanju i održivosti radnih mjesta u ugostiteljstvu i trgovini predlaže se izmjena Odluke za zauzimanje javnih površina, na način da se ugostitelji i trgovci oslobode obaveze plaćanja naknade za zauzimanja javnih površina ispred ugostiteljskih objekata i trgovačkih radnji.

### ODREDBE ODLUKE KOJE SE MIJENJAJU

#### Član 10.

##### (Odobrenje za korištenje)

- (1) Odobrenje za korištenje dijela javne površine ne može se izdati prije nego što podnosilac zahtjeva predoči dokaz o izvršenoj uplati ukupne naknade u skladu sa ovom Odlukom.
- (2) Podnosiocu zahtjeva neće se izdati odobrenje za privremeno zauzimanje javne površine ukoliko ukoliko organ po službenoj dužnosti utvrdi da ima dugovanja po osnovu naknade za zauzimanje javne površine, komunalne naknade za finansiranje komunalne djelatnosti zajedničke potrošnje u općini Zavidovići, naknade za korištenje gradskog građevinskog zemljišta i naknade za finansiranje zaštite od požara općine Zavidovići zaključno sa krajem godine koja prethodi godini u kojoj se podnosi zahtjev te ukoliko kiosk, štand, ljetna bašta i prostor za izlaganje postoje, a nisu predviđeni Planom za zauzimanje javne površine.
- (3) Ukoliko podnosilac zahtjeva ima dugovanja po osnovu naknada navedenih u stavu 2. ovog člana, organ će u skladu sa Zakonom odrediti rok za izmirenje duga.

#### Član 20.

##### (Naknada za ljetnu baštu)

- (1) Ugostitelji mogu ispred svojih objekata kao i na javnim površinama postavljati stolove i stolice u cilju formiranja ljetnih bašta. Mjesto gdje su stolovi i stolice postavljeni može biti ograđeno pokretnom ogradom od materijala kojim se ne može nanijeti povreda prolaznicima, ograda mora biti unutar odobrenog prostora za korištenje visine do 1 m i obojena, zaštita od sunca i kiše-suncobran, rolo ili montažno-demontažna tenda koja se može lahko ukloniti prema obliku prostora ljetne bašte.
- (2) Između stolova mora biti ostavljen dovoljan prolaz za pješake.
- (3) Za zauzimanje javne površine radi postavljanja stolova i stolica određuje se mjesečna naknada kako slijedi:

a) naknada za I zonu iznosi	6,00 KM po 1 m <sup>2</sup>
b) naknada za II zonu iznosi	5,50 KM po 1 m <sup>2</sup>
c) naknada za III zonu iznosi	5,00 KM po 1 m <sup>2</sup>
d) naknada za IV zonu iznosi	4,50 KM po 1 m <sup>2</sup>

- e) naknada za V zonu iznosi 4,00 KM po 1 m<sup>2</sup>  
f) naknada za VI zonu iznosi 3,50 KM po 1 m<sup>2</sup>

(4) Naknada iz predhodnog stava predstavlja početnu naknadu prilikom dodjele lokacije za postavljenje bašte iz člana 5. Stav 1. tačka b). ove Odluke.

(5) Ugostiteljski objekti tipa: ćevabdžinice, buregdžinice, slastičarne i objekti brze hrane plaćaju 50% naknade iz predhodnog stava.

#### Član 22.

(Naknada za tezgu ispred trgovačke radnje)

(1) Ispred trgovačkih radnji dozvoljava se zauzimanje javne gradske površine maksimalno do 10 m<sup>2</sup> u svrhu izlaganja voća, povrća, tekstilne robe, igračaka, auto guma i srodnih proizvoda za specijalizirane prodavnice, samo po odobrenju nadležnog općinskog organa.

(2) Za zauzimanje javne površine u svrhu izlaganja navedenih proizvoda određuje se mjesečna naknada kako slijedi:

- a) naknada za I zonu iznosi 7.00 KM po 1 m<sup>2</sup>  
b) naknada za II zonu iznosi 6.00 KM po 1 m<sup>2</sup>  
c) naknada za III zonu iznosi 5.00 KM po 1 m<sup>2</sup>  
d) naknada za IV zonu iznosi 4,00 KM po 1 m<sup>2</sup>  
e) naknada za V zonu iznosi 3.00 KM po 1 m<sup>2</sup>  
f) naknada za VI zonu iznosi 2.00 KM po 1 m<sup>2</sup>

#### Član 23.

(Naknada za tezgu ispred specijalizirane trgovačke radnje)

(1) Ispred trgovačkih radnji "Cvjećara" i "Poljoprivrednih apoteka" dozvoljava se izlaganje cvijeća i drugih srodnih proizvoda iz te djelatnosti (saksije, humus, biljni preparati, sadni materijal i dr.) uz mjesečnu naknadu kako slijedi:

- a) naknada za I zonu iznosi 5.00 KM po 1 m<sup>2</sup>  
b) naknada za II zonu iznosi 4,00 KM po 1 m<sup>2</sup>  
c) naknada za III zonu iznosi 3.00 KM po 1 m<sup>2</sup>  
d) naknada za IV zonu iznosi 2.50 KM po 1 m<sup>2</sup>  
e) naknada za V zonu iznosi 2.00 KM po 1 m<sup>2</sup>  
f) naknada za VI zonu iznosi 1.50 KM po 1 m<sup>2</sup>

### OPIS KONSULTACIJA VOĐENIH U PROCESU IZRADE ODLUKE

Prilikom izrade ove Odluke konsultovani su navedeni propisi koji su i pravni osnov za donošenje Odluke.

### FINANSIJSKA SREDSTVA

Za realizaciju ove Odluke nije potrebno planirati finansijska sredstva u Budžetu Grada Zavidovići.

GRADONAČELNIK  
doc.dr. Hašim Mujanović